

十七史詳節



東萊先生北史詳節卷之七

周列傳

蔡祐

蔡祐字承先其先陳留人也周文在廣州召為帳下親信及遷夏州以祐為都督侯莫陳悅害賀拔岳諸將迎周文周文將赴之夏州首望彌祖元追等陰有異計周文微知之召元追等入計事既而目祐祐即出外衣甲持刀直入叱元追而斬之并其黨伏誅一坐皆戰慄於是與諸將盟同心誅悅周文以此重之謂祐曰吾今以爾為子爾其戰事我○從戰河橋祐下馬步鬪左右勸乘馬以備急卒祐恣之曰丞相養我如子今日豈以性命為念遂率左右十餘人齊聲大呼殺傷甚多敵以其無繼圍之十餘重祐乃彎弓持滿四面拒之東魏人乃磨厚甲長刀者直進取祐去祐可三十步左右勸射之祐曰吾曹性命在此一矢耳豈虛發哉敵人可十步祐乃射之中其面應弦而倒便以箭刺殺之敵乃稍却祐乃徐引退是戰也西軍不利周文已遷祐至弘農夜微聞周文會周文曰承先爾來吾無憂矣以功進爵為公授京兆尹守萬仲塞舉北豫來附周文率軍援之與齊神武遇於芒山祐時著光明鍬鎧所向無敵齊人咸曰此是鐵猛獸也皆避之應青原二州刺史尋除大都督○祐少與鄉人李穆布衣齊名常相謂曰大丈夫當建功立名以取富貴要能久處貧賤言訖各大哭後皆如言及從征伐為士卒先軍還諸將爭功祐終無所競周文每歎之曰承先口不言勳孤當代其論叙

耿豪

耿豪鉅鹿人也本名令貴其先家於武川家少能獵有武藝好以氣陵人故周文以武勇見知豪亦自謂所事將主沙苑之戰豪殺傷甚多血染甲裳盡赤周文數曰令貴武猛所向無前觀其甲裳足以為驗不

須臾論級數也追爵為公從周文戰芒山蒙謂部曰大丈夫除賊須右手拔刀左手把頭直斬刺腹
是莫死遂大呼獨入敵入鋒刃亂下當時咸謂蒙沒敵奮力而還戰數合當蒙前者死傷相繼又謂左
右曰吾豈樂殺人但壯士除賊不得不爾若不能殺賊又不為人所傷何異逐坐人也周文嘉之拜雍州
刺史是位侍中驃騎大將軍○蒙性愛澤言多不避周文惜其驍勇每優容之蒙亦自謂意氣冠群終與
所屈李穆慕祐初與蒙同時開府後並居蒙之右蒙不能平謂周文曰人言李穆慕祐是丞相驍驍耿蒙
王勇丞相咽項以在上故為勝也蒙猛皆此類卒

高琳

高琳字季珉其先高麗人也琳母當被桎泗濱遇見一石光彩明潤遂持以歸是夜夢人衣冠有若仙者
謂曰夫人向所持來石是房磬之精若能寶持必生令子母驚寤寒身流汗俄而有娠及生因名琳字季
珉從孝武西遷封鉅野縣子河橋之役琳勇冠諸軍周文謂高公即我之鯨白也復從戰芒山除正平郡
守齊將東方老來寇琳擊之老中數創乃退謂其左右曰吾經陣多矣未見如此健兒周孝閔帝踐祚進
爵琳為郡公武成二年討平史州氏師還帝宴羣公琳士仍賦詩言志琳詩末章云寄言實車騎為謝霍
將軍何以報天子○漢靖秋氛帝大悅曰獲險陸果未時款塞卿言有驗國之福也天和三年為江陵副
總管時陳將吳明徹來寇總管田弘與梁主蕭岷出保紀南城唯琳與梁僕射王操圍中江陵三城以抗
之晝夜拒戰凡經十旬明徹退走歸表言其狀帝仍優詔追琳入朝親加勞問六年進位柱國薨

李遠

李遠字季序東萊人也世為山南豪族任於江左遠哲少脩立有識度懷既善謀畫起家文德主師其
父為衡州留遠哲本鄉監統部曲事時年二十撫馭群下甚得其情大統十七年周文遣遠妻武王雄等

峽地山南邊哲軍敗遂降於武然猶意氣自若武乃執送京師周文策嘉之恭帝初直州人樂熾洋州人黃國等連結為亂周文以邊哲信著山南乃令與開府賀若敦同經畧熾等尋至平蕩仍與敦南出徇地邊哲先至巴州入其封郭梁巴州刺史年安人開門請降安人于宗微等猶據巴城不下邊哲攻之軍次鹿城城主遣使請降邊哲謂其眾曰納降如受敵吾觀其使瞻視猶高得無詐也遂不許之果人果於道左設伏以邀邊哲邊哲進擊破之遂屠其城自此巴濮之人降數相繼軍還周文賜以所服紫袍玉帶及所乘馬加授侍中驃騎大將軍開府儀同三司除直州刺史即本州也仍給軍儀鼓即令與田弘同討信州時信州為蠻酋所圍弘遣繼遠赴援比至信州已陷聞邊哲至狼狽遁走邊哲八據白帝賀若敦等復軍遂共追破之及田弘旋軍周文令邊哲留鎮白帝信州先無倉儲軍糧匱乏邊哲乃收葛根造粉糞米以給之邊哲亦自取供食時有異膳即分賜兵士有疾患者又親加醫藥以此軍中感之人思效命

○邊哲果雄豪為鄉里所服性復華侈能厚自奉養妻滕王有百數男女六十九人緣澤千餘里間弟宅相次每鳴鑼導從往來其間縱酒歡談盡平生之樂子孫奉其武忘其年名者故海以審之

唐瑾

唐瑾字附璘北海人性溫恭有器量涉經史雅好屬文身長八尺二寸容貌其偉周文聞其名乃貽唐永書自問公有二子曰陵曰瑾陵從橫多武略瑾雅容富文雅可並道八朝孤欲委以文武之任因召拜尚書員外郎相府記室參軍軍書判機瑾多掌之累遷尚書右丞吏部郎中于時魏室播遷庶務艱鉅朝章國典瑾並參之遷戶部尚書進位驃騎大將軍時燕公于謹勳高望重朝野所屬白周文言瑾學行兼修與之同姓結為兄弟庶子孫承其餘論有益義方周文歎異者久之更賜瑾姓萬紐于氏瑾乃深相結納數長幼之序瑾亦延羅子孫行弟侄之族其為朝望所宗如此○轉吏部尚書銓綜衡流雅有人倫之

裴時六尚書皆一時之秀國文自得人號為六俊然瑾尤見器重于謹南伐江陵以瑾為元帥府長史軍中謀略多出瑾焉江陵既平衣冠仕伍並沒而僕隸瑾察其才行有比善者輒諫免之賴瑾獲濟者甚眾時論多為及軍還諸將多因擄掠大獲財物瑾一無所取唯得書兩車載之以歸或曰周文曰唐瑾大有鑑重是梁朝珍玩周文初不信之然欲明其虛實遂使檢閱之唯見書籍而已乃歎曰孤知此人來二十餘年明其不以利干義向若不令檢視恐常人有投符之疑孤所以益明之耳凡受人委任當如此也蓋平江陵功進爵為公○六官建授禮部中大夫出為蔡州刺史入為吏部中大夫歷御正納言內史中大夫曹未十旬遂遷四職卒

韓雄

韓雄字木蘭河南人也雄少敢勇膂力絕人工騎射有將率材略及孝武西遷雄使懷既有立功之志大統初遂與其屬六十餘人於洛西舉兵數日間眾至千人與河南行臺楊瑒共為犄角每抄掠東魏所向剋獲東魏洛州刺史韓暨以狀聞鄴乃遣其軍司慕容紹宗與暨合勢討雄戰數合雄衆略盡見及妻子皆為暨所獲將以為戮乃遣人告雄至皆免之雄乃詣暨軍即隨暨還洛州暨嘗謀欲襲之事洩適先謁周文於弘農封武陽縣侯遣還鄉里更圖進取雄乃招集義衆從獨孤信入洛陽芒山之役周文命雄遵齊神武於陞道神武怒命三軍并力取雄雄突圍得免除東徐州刺史東魏雍州刺史郭叔略據境頗為邊患雄察圖之輕將十騎夜入其境伏於道側道都督韓仕於略城服東魏人衣服詐若自河陽叛投關西者略出馳之雄自後射之再發咸中遂斬略首降河南尹進爵為公尋進驃騎大將軍開府侍中明帝二年除都督中州刺史雄久在邊其知敵人虛實每率衆深入不避艱難前後總四十五戰雖時有勝負而雄志氣益壯東魏深憚之卒于鎮諡曰威子禽詞隱虎傳見隋史

賀若敦

賀若敦落陽人也其先居漢北世為部落大人父統勇健不好文學齊神武初起以統為潁川長史執刺史田迅以州降拜充州刺史○敦少有氣幹統之將執田迅也慮事不果又以累騎既多難以自拔沈吟者久之數年十七進策贊成其謀統流涕從之遂定謀歸西時羣盜蜂起大龜山賊張世彌潛來襲統敦挺身赴戰手斬七八人賊乃走統大悅謂左右僚屬曰我少從軍旅戰陣非一如此兒年時膽略未見其人非唯威我門戶亦當為國名將○明年從獨孤信於洛陽被圍敦營三石弓箭不虛發信乃言於周文引置麾下授都督封安陵縣伯嘗從校獵甘泉宮時圍人不齊數多越連周文大怒人皆服戰圍內唯有一鹿俄亦突圍而走敦躍馬馳走鹿上東山敦棄馬步遂至山半便乃射之而下諸將因得免責人為軍司馬陳將侯瑱侯安都等圍逼湘州道絕糧援乃令敦度江赴敦敦連戰破瑱乘勝遂次湘州俄而秋水汎溢江路遂斷糧援既絕恐瑱等知其糧少乃於營內多為粟土覆之以米召側近村人陽有所訪問隨即遣之瑱等聞之良以為實敦又增修營壘造廩舍亦以持久相羅之間遂廢農業瑱等無如之何初土人亟乘輕船載米粟及籠雞鴨以餉瑱軍敦患之乃偽為土人裝船伏甲士於中瑱軍人望見謂餉船之至進來爭取敦甲士遂擒之後實有饋餉及亡奔瑱者猶謂敦之詐並不收受相持歲餘瑱等不能制求借船送敦度江敦慮其詐或謂曰舍我百里當為汝去瑱等遂留船於是將兵去津路百里敦覘知非詐勒眾而還在軍病死者十五六晉公護以敦其地無功除其名敦恃功負氣頗其流輩皆為大將軍敦獨未得兼以湘州之役全軍而反翻被除名每出怨言晉公護怒徵送逼令自殺臨刑呼子瑒謂曰吾必欲平江南然心不果汝當成吾志吾以舌死汝不可不思因引錐刺獨舌出血誠以慎口建德初追贈大將軍諡曰烈

賀傳見

隋史

論曰周文帝屬禍亂之辰以征伐而定海內大則連兵百萬譬之以存亡小則轉戰邊亭不關於旬月是以兵無少長士無賢愚莫不投筆立功橫戈請奮巨盧宣楊紹王雅韓雄等或攀翼雲漢底績屯夷雖連移年代而名成終始美矣哉賀若敦志略慷慨深入敵境勅冠絕其根道江淮阻其歸途臨危而策出無方事迫而雄心彌厲故能利涉死地全師以反而茂勳莫紀嚴刑已及天下是以知宇文護之不能終其位也自南北分隅將三百年隋文爰應千齡將一匝夏賀若弼懷慨申必取之長策韓禽奮發賞餘勇以爭先隋氏自此一戎威加四海稽諸天道或時有廢興考之人謀實二臣之力其倣倣英略賀弼居多

申徽

申徽字世儀魏郡人也孝文初徽以洛陽兵難未已遂問行人關見周文與語奇之周文臨夏州以徽為洛陽參軍兼府主簿周文察徽沈密有度量每事信委之乃為大行臺郎中時軍國草創幕府務殷四方書檄皆徽之辭也遷都官尚書十二年瓜州故請刺史以徽信洽西士拜假節瓜州刺史徽在州五稔儉約率下邊人樂而安之徽兼尚書右僕射加侍中驃騎大將軍○徽性勤至凡所居官業績無大小皆親自省覽以是事無稽滯更不得為奸後雖歷公卿此志不懈出為襄州刺史時南方初附舊俗官人皆通餉遺徽性廉慎乃書楊震像於寢室以自戒及代還人吏送者數十里不絕徽自以無德於人慨然懷愧因賦詩題於清水亭長幼聞之皆競來就讀述相謂曰此是申使君手迹並屬誦之

陸通

陸通字仲明吳郡人曾祖載從宋武帝平關中軍還留載隨其子義真鎮長安遂沒赫連氏父政性至孝其母吳人好食魚北上魚少政求之常苦難獲宅側忽有泉出而有魚遂得以供膳時人以為孝感所致

因謂其泉為孝魚泉○通少敦敏好學有志節幼從政在河西遂逢寇難與政相失通乃自振東歸從余
朱榮余朱氏滅乃入關周文時在夏州引為帳內督項之賀拔岳為侯莫陳悅所害時有傳岳軍府已亡
散者周文憂之通以為不然居數日間至果如所策自是愈見親禮遂晝夜陪侍家人罕見其面通雖處
機密愈自恭謹周文以此重之沙苑之役力戰有功又從解洛陽圍軍還屬趙青雀反於長安周文將討
之以人馬皮弊不可速行又謂青雀等一時陸梁不足為慮乃云我到長安但輕騎臨之必當面縛通進
曰青雀等既以大軍不利謂朝廷傾危同惡相求遂成反亂然其逆謀久定必無還善之心且其詐言大
軍敗績東寇將至若以輕騎往百姓謂為信然更沮兆庶之望大兵雖疲弊精銳猶多以明公之威率思
歸之眾以順討逆何慮不平周文深納之累遷大司寇通性柔謹雖久處列位常清慎自守所得祿賜盡
與親故共之冢無餘財常曰凡人患貧而不貴不患貴而不貧也

楊樹

楊樹字顯達高涼人也樹少優俊有志氣魏孝昌中余朱榮殺害朝士城陽王元徽逃難投樹樹藏而免
之者莊帝立徵乃召復為司馬由是樹以義烈聞推拜伏波將軍給事中齊神武敗於沙苑其將韓軌潘
樂可朱渾元等為樹分兵累戰故傷甚眾司馬恭懼樹威聲棄城遁走樹遂移據東雍州周文以樹有
謀略堪委遷任乃表行建州事時建州遠在敵境然樹威恩夙著所經之處多羸糧附之比至建州眾已
一萬東魏州刺史出兵逆戰樹擊敗之又破其行臺斛律俱於州西大獲甲仗及軍資以給義士由是威
名大振東魏遣大保尉景攻隔正平復遣行臺蘇休義與斛律俱相會於是敵眾漸威樹以孤軍無援且
腹背受敵謀欲拔還復恐義旋背叛遂偽為周文書遣人若從外還來者云已遣軍四道赴援因令人漏
泄使所在知之又分土人義齒令各領所部四出鈔掠擬供軍費樹分遣訖遂於夜中拔還卻朝拜嘉

其權以全軍即授建州刺史及齊神武國王璧別令儀景趣齊子嶺樹恐入寇邵郡率騎禦之景達聞樹至斫木斷路者六十餘里猶驚而不安遂退還河陽其見憚如此十二年進授大都督加晉建二州諸軍事又攻破蓼鳩獲東魏將李顯加開府復鎮邵郡十六年大軍東討授大行臺尚書率義衆先擊陵境攻其四戍援之攻封華陽縣侯又於邵郡置邵州以樹為刺史率所部兵鎮之保定四年遷少師其年大軍圍洛陽詔樹出戰關然樹自領東境二十餘年數與齊人戰每常克獲以此遂有輕敵之心時洛陽未下而樹深入敵境又不設備齊人奄至大破樹軍樹以衆敗遂降於齊樹之立勳也有慷慨壯烈之志及軍敗遂就虜以求苟免時論以此鄙之

論曰申徽為量深沉文之以經史陸通整肅明敏飾之以溫恭並風秦龍顏早蒙任遇劾宣提戰功預拔荆義結周放恩生契閭遂得入居端揆出撫列藩雖以識用成名抑亦情兼惟舊揚樹攻勝亦兵破而身因功名寥落良可嗟矣易曰師出以律否臧凶傳曰不備不虞不可以師其樹之謂也

韓褒

韓褒字弘業潁陽人也少有志尚好學而不守章句其師怪問之對曰文字之間常奉訓誘至於商數異同請從所好師因此奇之及長涉獵經史深沈有遠略屬魏室喪亂適地夏州時周文帝為刺史素聞其名特以客禮及賀拔岳為侯莫陳悅所害諸將遣使迎周文周文問以去留之計褒曰此天授也何可疑乎周文納焉及為丞相引為錄事參軍出為北雍州刺史州帶北山多有盜賊褒密訪之並豪右所為也而陽不之知厚加禮遇謂曰刺史起自書生要知督盜所賴卿等共分其憂耳乃悉召傑黠少年素為鄉里惠者置為主帥分其地界有盜發而不獲者以故縱論於是諸被署者莫不惶懼皆首伏曰前盜發者並某等為之所有徒侶皆列其姓名或亡命隱匿者亦某言其所在褒乃取盜名簿藏之因大勝州門曰

自知行盜者可懲來首即除其罪盡今月不首者顯戮其身籍沒其妻子以賞前首者旬日之間諸盜咸
思首盜獲取名簿勳之一無差異並原其罪許以自新由是群盜屏息○入為給事黃門侍郎遷侍中除
都督西涼州刺史是胡之俗輕貧弱尚豪富豪富之家使漁百姓同於僕隸故貧者日削豪者益富獲乃
是募貧人以充兵士復其家蠲免徭賦又調富人財物以振給之每西域商貨至又先盡貧者市之於
是貧富漸均戶口殷實

柳遐

柳遐字子昇河東解人宋太尉元景從孫也遐幼而夙邁神彩凝然警敏便有成人之量為好文學勤合
規矩其世父屢違特器異之請曰吾昔違事伯父太尉公嘗謂吾云我昨夢汝登一樓甚峻麗吾以坐席
與汝汝後名官必達恨吾不及見耳吾向聊復晝寢又夢將昔時坐席還以賜汝汝之官位當復及吾特
宜勉勵以應嘉祥也梁西昌侯綏鎮雍州遐時年十二以百姓禮修謁風儀瑞肅道止詳雅藻美之仕梁
稍遷尚書功論郎陳郡謝舉時為僕射引遐與語甚嘉之顧謂人曰江漢英靈見於此矣岳陽王素譽於
襄陽承制授遷吏部郎賜爵開喜公尋進位侍郎侍中驃騎大將軍開府及登踐帝位於江陵以襄陽來
故辭答曰陛下中興鼎業龍飛舊楚匡昔國幸會卑奉名節理當以身許國期之始終自晉氏南遷臣宗
族蓋寡從祖太尉世父儀同從父司空並以位望隆重遂家于金陵唯留先臣獨守墳楸常誠臣等使不
遺此志今襄陽既入北朝臣若陪隨鑾蹕進則無益塵路退則有虧先旨登重違其志遂許之因留鄉里
以經籍自娛周文帝頻徵固辭以疾及答祖遷舉哀行舊臣之服保定中又徵之遐始入朝授驃騎
大將軍開府儀同三司霍州刺史遐導人務先以德再三不用命者乃微加貶辱示恥而已其下感而化
之不復為過咸曰我君仁惠如此其可欺乎平贈金安二州刺史于靖莊最知名

靖守思休少方雅博覽精諸任果正員即疏避入周授大都督歷河南屠後二郡守所居皆有政術吏人畏而愛之無性愛聞書其於名利澹如也及秩滿還鄉便有終焉之志隋文帝踐極特詔徵之以疾固辭優游不仕聞門自守所貯唯琴書而已足不應國庭殆將十載子希奉之若嚴君焉其有過者請必下帷自責於是長幼相率拜謝於庭靖然後見之品以禮法鄉里亦慕而化之或有不善者皆由唯恐抑使廣知也時論方之王烈秦王後臨州費以几杖具為當時所重如此開皇中壽終

儒林傳

儒者其為教也大矣其利物也博矣以篤父子以正君臣開教化之本原鑿生靈之耳目百王損益一以貫之雖世或污隆而斯文不墜自永嘉之後宇內分崩禮樂文章掃地特書魏道武初定中原雖日不暇給始建都邑便以經說為先立太學置五經博士生員千有餘人天興二年春增國子太學生員至三千人豈不以天下可為上取之不可以馬上臨之聖達經猷蓋為遠矣四年春命樂師入學習舞釋菜于先師明元時改國子為中書立教授博士大武始光三年春起大學於城東後徵盧玄高允等而令州郡各舉才學於是人多砥尚儒林轉興殷文天安初詔立鄉學郡置博士助教大和中改中書學為國子學建明堂辟雍尊三老五更又開皇子之學及遷都洛邑詔立國子大學四門小學孝文敏明稽古篤好墳籍坐輿據鞍不忘講道劉芳李彪諸人以經書進崔光邢昺之徒以文史進其餘涉獵典章閑集詞對其不原以好爵動貽賞於是斯文漸然比隆周漢宣武時復詔營國學樹小學於四門大選儒生以為小學博士員四十人雖宇未立而經術彌顯時天下承平學業大盛故齊趙魏之間橫經著錄不可勝數太者千餘人小者猶數百州舉茂異郡貢孝廉封楊王庭每年逾眾神龜中將立國學詔以三品以上及五品清官之中以充生選未及簡置仍復停設正光三年乃釋奠於國學命祭酒崔光講孝經始置國

子生三十六人暨孝高之後海內淆亂四方校學所在無幾齊仲武生於遼朝長於戎馬杖義建旗掃清
區縣因魏氏喪亂屬命朱殘酷文章咸盡禮樂同奔鉉歌之音且絕祖豆之容將盡永熙中孝武復得真
於國學又於顯陽殿詔祭酒劉廙講孝經黃門李郁說禮記中庸舍人盧景雲講大戴禮夏小正篇復置
生七十二人及永熙而遷天平北徙雖庠序之制有所未建而儒雅之道遽形心慮時初遷都於鄴國子
置生三十六人至興和武定之間儒業復盛矣始天平中范陽盧景裕同從兄仲禮於本郡起進齊神武
免其罪置之賓館以經教授太原公以下及景裕卒又以趙郡李固軌繼之二賢並大蒙恩遇待以殊禮
固軌云亡復徵中山張彫武勃海李鍾刀李中山石曜等並為諸子師友及天保大寧武平之朝亦引進
名儒授皇太子諸王經術然爰自始基暨於李世唯濟南之在儲宮性識聰敏頗自砥礪以成其美自餘
多驕恣傲狠動違禮度日就月將無聞焉爾鏤冰雕朽迄用無成蓋有由焉夫帝王子孫習性隆逸況義
方之情不篤邪僻之路競開自非得自生和體包上智而內縱聲色之娛外多大馬之好安能入則篤行
出則友賢者也徒有師傅之資終無琢磨之實貴游之輩雖以明經可謂搢山竹箭加之括羽俯拾青紫
斷可知焉而齊氏司存或失其守師保疑亟皆賞甄舊國學博士徒有虛名唯國子一學生徒數十人耳
胄子以通經進仕者唯傳陳程子發廣平宋游卿而已自外莫見其人幸朝章寬簡政綱疏闊游手浮情
十室而九故橫經受業之侶偏於鄉邑負笈從官之徒不遠千里入閭里之內乞食為資親桑梓之陰勸
踰十數燕趙之俗此象尤甚焉齊制諸郡並立學置博士助教授經學生俱差逼充貢士流及豪富之家
皆不從調備員既非所好墳籍固不關懷又多被州郡官人驅使縱有游惰亦不檢察皆由上非所好之
所致也諸郡俱得察孝廉其博士助教及游學之徒通經者推擇充舉射策十條通八以上聽九品出身
其尤異者亦蒙抽擢周文受命雅重經典子時而都板蕩成馬生郊先王之舊章往聖之遺訓掃地盡矣

於是求闕文於三古得至理於千載觀音之制度復姬旦之茂典虞夏寧寧通彗修五禮之缺長探紹遠才稱治間正六樂之壞由是朝章漸備學者嚮風明皇慕歷教尚學藝內有崇文之觀外重成均之職握素懷鈔重席解頤之士間出於朝廷圖冠方領執經負笈之生著錄於京邑濟濟焉足以踰於向時矣洎保定三年帝乃下詔尊太保燕公為三老帝於是服裘冕乘趙路陳文錦禮禮容清蹕而臨太學禮制以食之奉觴以醕之斯固一世之盛事也其後命輔軒而致玉帛徵沈重於南荆及定山東降至尊而勞萬乘待熊安生以殊禮是以天下慕嚮文教遠軍衣儒者之服挾先王之道開黌舍延學者比肩勵從師之志守專門之業辭親戚甘勤苦者咸市雖通儒盛業不逮魏晉之臣而風移俗變抑亦近代之美也○自正朔不一時三百年師訓紛綸無所取正隋文廢期舉歷平一寰宇頓天綱以掩之貴旌帛以禮之設好爵以縻之於是四海九州強學待問之士靡不畢集焉天子乃整萬乘率百僚遵問道之儀觀釋奠之禮博士警蹕河之朔侍中竭重席之真考正士逸研覈異同稽滯疑渙然水釋於是超擢奇雋厚賞諸儒京邑運乎四方皆盛黌校齊魯趙魏學者尤多負笈從師不遠千里講誦之聲道路不絕中州之盛自漢魏以來一時而已及帝暮年精華稍竭不悅儒術專尚刑名執政之徒咸非篤好暨仁壽間遂廢天下之學唯存國子一所弟子七十二人賜通即位復開庠序國子郡縣之學盛於開皇之初徵辟儒生遠近畢至使相與講論得失於東都之下納言定其差次一以聞奏焉于時舊儒多已凋亡惟信都劉士元河間劉光伯拔萃出類學通南北博極今古後生鑽仰所製諸經議疏摛紳咸師宗之既而外事四夷戎馬不息師徒怠散盜賊羣起禮義不足以防君子刑法不足以威小人空有建學之名而無弘道之實其風漸墜以至滅亡方碩矩步之徒亦轉死溝壑凡有經籍因此湮沒於煨燼矣遂使後進之士不得聞詩書之言皆懷攘竊之心相與陷於不義傳曰學者將殖不學者將落然則盛衰是繫興亡攸在有國有

家者可不慎歟漢世鄭玄並為衆經注解服虔何休各有所說玄易詩書禮論語孝經虔在氏春秋休公羊傳大行於河北王肅易亦間行焉晉世杜預注左氏預玄孫坦弟驥於宋朝並為青州刺史傳其家業故齊地多習之自魏末大儒徐遵明門下講鄭玄所注周易遵明以傳盧景裕及清河崔瑒景裕傳賴會葬茂權會早入鄆都郭茂恒在門下教授其後能言易者多出郭茂之門河南及青齊之間儒生多講王輔嗣所注師訓蓋寡齊時儒士罕傳尚書之業徐遵明兼通之遵明受業於庾留王聰傳授浮陽李周仁及勃海張文敬李鉉河間權會並鄭康成所注非古文也下里諸生略不見孔氏注解武平末劉元伯劉士元始得費彪義疏乃留意焉其詩禮春秋尤為當時所尚諸生多兼通之三禮並出遵明之門徐傳業於李鉉祖雋田元鳳為儒紀顯敬呂黃龍夏懷敬李鉉又傳授刀赤張買奴鮑季詳邢時劉晝熊安生安生又傳孫靈暉郭仲堅丁恃德其後生能通禮經者多是安生門人諸生盡通小戴禮於周儀禮兼通者十二三焉○通毛詩者多出於魏朝劉獻之獻之傳李周仁周仁傳董令度程歸則歸則傳劉敬和張思伯劉軌思其後能言詩者多出於劉之門河北諸儒能通春秋者並服子慎所注亦出徐生之門張買奴馬敬德邢時張思伯張奉禮張彤劉晝鮑長宣王元則並得服氏之精微又有衛覲陳達潘叔度雖不傳徐氏之門亦為通解又有姚文安秦道靜初亦學服氏後兼更講杜元凱所注其河外儒生俱伏膺杜氏其公羊穀梁二傳儒者多不厝懷論語孝經諸學徒莫不通講諸儒如權會李欽刀朱熊安生劉軌思馬敬德之徒多自出義疏雖曰專門亦皆相祖習也大抵南北所為章句好尚互有不同江左周易則王輔嗣尚書則孔安國左傳則杜元凱河洛左傳則服子慎尚書周易則鄭康成詩則並主於毛公禮則同遵於鄭氏南人約簡得其英華北學深蕪窮其枝葉者其然始要其會歸其立身成名殊方同致矣自魏梁越已下傳授講讀者甚衆今各依時代而次以備儒林云爾

劉獻之

劉獻之博陵人也少而孤貧雅好詩傳嘗受業於勃海程玄後遂博觀眾籍見名法之言掩卷而笑曰若使楊墨之流不為此書重數誰知其小也曾謂其所親曰劉屈原離騷之作自是狂人死其宜矣孔子曰無可無不可曾獲我心時人有從獻之學者獻之輒謂之曰人之立身雖百行殊途準之四科要以德行爲首子若能入孝出悌忠信仁讓不待出戶天下自知儻不能然雖復下帷針股躡屨從師正可博聞多識不過爲土龍乞雨肆惑將來具於立身之道有何益乎孔門之徒初亦未悟見卑魚之數方乃歸而養親嗟乎先達何自覺之晚也由是四方學者莫不高其行義希造其門○獻之善春秋毛詩每講左氏盡隱公八年便止云義例已了不復須解由是弟子不能究竟其說後本郡逼舉孝廉至京稱病而還羣之幸中山詔徵典內校書獻之喟然歎曰吾不如莊周散木遠矣一之謂甚其可再乎因以疾辭時中山張吾貴與獻之齊名四海皆稱儒宗吾貴每一講唱門徒千數其行業可稱者寡獻之著錄數百而已皆通經之士於是有識者辨其僂劣魏承喪亂之後五經大義雖有師說而海內諸生多有疑滯咸決於獻之六藝之文雖不悉注所標宗旨頗具舊義卒

張吾貴

張吾貴字真子中山人也少聰慧口辯身長八尺容貌奇偉年十八本郡舉爲太學博士吾貴先未多學乃從鄭詮受禮牛天祐受易詮祐粗爲開發而已吾貴覽讀一遍便即別撰戶牖世人競歸之曾在夏寧聚徒千數而不講傳生徒竊云張氏之於左氏似不能說吾貴聞之謂曰我今夏講者罷後當說傳君等來日當持本生徒怪之而已吾貴詣劉蘭蘭蘭遂爲講傳三旬之中吾貴兼讀杜服膺括兩家其同悉舉諸生後集便爲講之義例無窮皆多新異蘭仍伏聽學者以此益奇之而韓能飾非好爲說說由是業不

久傳而氣陵牧守不屈王侯竟不仕而終

劉蘭

劉蘭武邑人也年三十餘始入小書學急就篇家人覺其聰敏遂令從師受春秋詩禮於中山王保晏家貧無以自資且耕且學三年之後便白其兄來講說其兄笑而聽之爲立營舍聚徒二百朔讀左氏五經一遍兼通五經先是張吾貴以聰辯過人其所解說不本先儒之旨唯蘭推經傳之由本注者之意參以經傳及先儒舊事甚爲精悉自後經義審博皆由於蘭蘭又明陰陽博物故爲儒者所宗瀛洲刺史裴植徵蘭講書於州南館植爲學生故生徒甚盛海內稱焉蘭學徒前後數千成業者衆而排毀公羊文非董仲舒由是見議於世爲國子助教靜坐讀書有人叩門蘭命引入葛巾單衣入與蘭坐謂曰吾自是學士何爲每見毀辱理義長短竟在誰而過無禮見陵也今欲相召當與君正之吉終而出蘭少時患死

徐遵明

徐遵明字子判華陰人也幼孤好學年十七隨鄉人毛靈和等詣山東求學至上黨乃師毛留王聰受毛詩尚書禮記一年便辭聰游燕趙師事張吾貴問徒其盛遵明伏膺數月乃私謂友人曰張生名高而義無檢格凡所講說不愜吾心請更從師遂與平原田猛略就范陽孫買德受業一年復欲去之猛略謂遵明日君年少從師每不遵業如此用意然恐無成遵明乃指其心曰吾今知真師所在矣正在於此乃詣平原唐遷居於盤舍讀書經論語毛詩尚書三禮不出門院凡經六年時彈箏吹笛以自娛慰又知陽平館陶趙世業家有服氏春秋是晉世永嘉舊寫遵明乃往讀之後經數載因手撰春秋義章爲三十卷是後教授門徒每臨講坐先持經執疏然後敷講學徒至今沒以成俗遵明講學於外二十餘年海內莫不宗仰頗好聚斂與劉獻之張吾貴皆河北聚徒教授惠納餘粟留衣帛以待之名曰彭賢有損儒者之風

遵明見鄭玄論語序云書以八寸策誤作八十宗因曲爲之說其僻也皆如此獻之吾貴又甚焉

李業興 崇祖

李業興上黨人也少耿介志學晚乃師事徐遵明於趙魏之間時有涓陽解子靈體亦聚徒教授而遵明聲譽未高著錄尚寡業興乃詣靈體當舍類受業者靈體乃謂曰李生久逐先博士何所得也業興默爾不言及靈體說左傳業興問其大義數條靈體不能對於是振衣而起曰先弟子正如耳遂便徑還自此靈體生徒傾學而就遵明學徒大盛業興之爲也後乃博涉百家圖緯風角天文占候無不討練尤長算歷雖在貧賤常自矜負若禮待不足縱於權貴不爲之屈後爲王遵業門客舉孝廉爲校書郎以世行趙匪屑節氣後辰下算延昌中業興乃爲戊子元曆上之于時張洪張龍祥等九家各獻新曆宣武詔令共爲一曆洪等後遂共推業興爲主成戊子曆正光三年奏行之業興以殷曆甲寅黃帝辛卯徒有積元術數亡缺又脩之各爲一卷傳於世子崇祖傳父業

崇祖字子述父業集朝士命盧景裕講易崇祖時年十一論難往復景裕憚之業興助成其子至於忿閤文翼色甚不平姚文安難服虔左傳解七十七條名曰駁妄崇祖申明服虔氏名曰釋謬

李鉉

李鉉字實肅勃海人也九歲入學書急就篇月餘便通家素貧常春夏務農冬乃入學鉉以鄉里無可師者遂與州里楊元懿河間宗惠振等結友詣之儒徐遵明受業居徐門下五年常稱高第年二十三便自潛居討論是非撰定孝經論語毛詩三禮義疏及三傳異同周易義例合三十餘卷用心精苦曾三秋冬不畜枕每睡假然而已來游京師讀所未見書舉秀才除太學博士鉉以去聖久遠文字多有非謬於講授之暇遂覽說文倉雅刪正六藝經註中謬字名曰字辯